

《永遠感謝你》

該日暗晡，大地牛轉身，
學校瞬間成廢墟，
係毋係做差了麼个？
土地伯公仰無來保佑？
如今，有你等(兜)个幫忙，
校舍又重新蓋起。
還記得你个鼓勵：
毋使怨天怪地，
黑暗總會過去。
還記得你个付出，
佢等(兜)永遠感謝你！

《水源頭》

初秋介時節，家鄉大甲河濬；
白鶴花開淦淦，捱同細人仔伴在該揀石頭仔、
捉細魚仔同毛蟹，分吾介童年留下快樂介回憶。
大甲河介頂背，有一座水庫，
提供下背鄉親介用水，阿婆長透講：
「食水愛想水源頭，有好山正有好水」。
故所；大家愛注意水土保持，
恩兜介生活環境有保障。
原來學校先生講介「飲水思源」，
就係阿婆講介「食水愛想水源頭」。

《歪喙甕》

歪喙甕，喙歪歪，
肚嚙嚙，像佛仔，
有人講佢靚，有人講佢丑。
歪喙甕，年紀大，
毋驚風吹日頭晒，
恬恬跔到屋簷下，
係毋係在該想頭擺？